

просвѣтивша, ѿ душѣ! сего подражаючи, плотскѣм оумертви похоти воздержаніемъ.

Се время воздержанія, являющее тебѣ свѣтъ спасенія, не небрезжи душѣ, бг҃у долготерпѣщѣ, но оусерднѣ возопій: блг҃ій оущедри ма. **Слава:**

Отроки ѡградившіи постъ, соблюде ѿ огня непалимыи: иже, тѣхъ мѣтвами, огня ма вѣчнаго избави, многимъ твоимъ мѣрдѣемъ. **Бг҃ородиченъ:**

Единаа помощь человековъ, помощница намъ рабѣмъ твоимъ бди, во время воздержанія, такъ да покааніемъ блг҃оугождающе, пріймемъ небное цр҃тво. **Ірмосъ:**

Отроцы свр҃ейстїи въ пещи попраша пламень дерзновеннѣ, и на роу огня преложиша, вопіюще: блг҃ословенъ еси гд҃и вѣе во вѣки. **Пѣнь ѿ ірмосъ:**

Седмерицею пещь халдеевскѣи мѣчнтель бг҃очестнѣвымъ неистовнѣмъ разжже: силою же лѣщенію спасены сѣи видѣвъ, творцѣи и избавителю вопіаше: Отроцы блг҃ослови́те, свѣщенницы воспойте, людѣ превозносите во всѣ вѣки.

Покааніа пещь оусерднѣ возжжемъ, и сласти въ ней попалимъ всѣ тѣлесныа: и огня бѣдущаго искѣмъ не прѣати, богатаго въ милости просимъ, вопіюще: свѣщенницы блг҃ослови́те, людѣ превозносите во всѣ вѣки.

Входное время поста намъ бѣдетъ, всякаго грѣха ѿложеніа виновное, да не долѣ преклонимъ, ниже оуныиъ тещемъ, такъ да въ краткихъ и малыхъ днѣхъ, многѣи скверны оумилненіемъ срца измыемъ, единого бг҃а нашего поюще.

Агг҃лстїи чини, мѣченикъ собраніе, бж҃твенныхъ аплхъ ликъ ст҃ый, препныхъ соборъ, ст҃ителѣи же и прр҃окѣвъ, тебѣ молатъ блг҃ій чл҃колюбче: покааніе истинное твоимъ рабѣмъ подаждь, во время воздержанія нынѣ вводи́маго. **Бг҃о:**

Бг҃о-